



RESOLUCIÓN DO 19 DE SETEMBRO DE 2023, DA XERENCIA DA ÁREA SANITARIA DA CORUÑA E CEE, POLA QUE SE ANUNCIA A CONVOCATORIA PÚBLICA PARA A PROVISIÓN, POLO PROCEDIMENTO DE LIBRE DESIGNACIÓN, DUN POSTO DE XEFE/A DE SERVIZO DE INFRAESTRUTURAS DE TECNOLOXÍAS DA INFORMACIÓN E A COMUNICACIÓN DA ÁREA SANITARIA DA CORUÑA E CEE

O Decreto 206/2005, do 22 de xullo (DOG núm. 145, do 29 de xullo) regula a provisión de prazas de persoal estatutario do Servizo Galego de Saúde. En desenvolvemento do citado Decreto ditouse a Orde da Consellería de Sanidade do 24 de maio de 2006 (DOG núm. 106, do 5 de xuño), pola que se establecen as bases do procedemento para a provisión dos postos de xefatura e coordinación das Institucións Sanitarias do Servizo Galego de Saúde.

Con base no exposto, a Xerencia da Área Sanitaria da Coruña e Cee, en virtude das competencias atribuídas polo Decreto 137/2019, do 10 de outubro (DOG nº 208, do 31 de outubro), polo que se establece a estrutura orgánica do Servizo Galego de Saúde, no Decreto 134/2019, do 10 de outubro (DOG nº 204, do 7 de marzo), polo que se regulan as áreas sanitarias e os distritos sanitarios do Sistema público de saúde de Galicia, ao abeiro das facultades que lle confire o artigo 3 da citada Orde do 24 de maio de 2006 (DOG núm. 106, do 5 de xuño), pola que se establecen as bases do procedemento para a provisión dos postos de xefatura e coordinación das Institucións Sanitarias do Servizo Galego de Saúde e a Orde do 22 de abril de 2020 (DOG nº 82, do 29 de abril), de delegación de competencias en órganos centrais e periféricos da Consellería de Sanidade e do Servizo Galego de Saúde e na Axencia Galega para a Xestión do Coñecemento en Saúde,

RESOLVE

CONVOCAR, para a súa cobertura polo procedemento de LIBRE DESIGNACIÓN, un posto de XEFE/A DE SERVIZO DE INFRAESTRUTURAS DE TECNOLOXÍAS DA INFORMACIÓN E A COMUNICACIÓN da Área Sanitaria da Coruña e Cee, así como aprobar as Bases (Anexo I), as características e funcións do posto convocado (Anexo II), e o modelo de solicitude de participación (Anexo III), que rexerán na presente convocatoria.

As retribucións do posto ofertado serán as que correspondan segundo a Orde da Consellería de Facenda, pola que se ditan instrucións sobre a confección de nóminas do persoal ao servizo da administración autonómica.

No procedemento de provisión da praza que se convoca resultan de aplicación as normas xerais de procedemento contidas na Lei 39/2015, do 1 de outubro, de procedemento administrativo común das



administracións públicas, as específicas de provisión de prazas de persoal estatutario contidas na Lei 55/2003, do 16 de decembro, pola que se aproba o Estatuto Marco do persoal estatutario dos Servizos de Saúde (B.O.E de 17 de decembro de 2003), no Decreto 206/2005, do 22 de xullo (D.O.G nº 145, do 29 de xullo) polo que se regula a provisión de prazas de persoal estatutario do Servizo Galego de Saúde e na Orde da Consellería de Sanidade do 24 de maio de 2006 (D.O.G nº 106, do 5 de xuño), pola que se establecen as bases do procedemento para a provisión dos postos de xefatura e coordinación das institucións sanitarias do Servizo Galego de Saúde e demais de pertinente aplicación.

Contra a presente Resolución, poderá interperse recurso de alzada perante a Dirección Xeral de Recursos Humanos do Servizo Galego de Saúde, no prazo de UN MES, contado a partir do día seguinte ao da súa publicación, nos termos dos artigos 121 e seguintes da Lei 39/2015 do 1 de outubro, do procedemento administrativo común das administracións públicas.

DILIXENCIA:

Para facer constar que o día 27 de setembro de 2023 publicase no DOG número 184 o anuncio da presente convocatoria, e procédese a súa publicación na páxina web do Servizo Galego de Saúde (www.sergas.es) e na páxina web do Espazo do Profesional da Área Sanitaria da Coruña e Cee.

O Director de Recursos Humanos

Javier Fernández Nistal

A Coruña, 19 de setembro de 2023

O Xerente da Área Sanitaria da Coruña e Cee



SERVIZO GALEGO de SAÚDE
Área Sanitaria da Coruña e Cee

XERENCIA

Luis Verde Remeseiro



ANEXO I

BASES REGULADORAS DA CONVOCATORIA PARA A PROVISIÓN, POLO PROCEDEMENTO DE LIBRE DESIGNACIÓN, DUN POSTO DE XEFE/A DE SERVIZO DE INFRAESTRUTURAS DE TECNOLOXÍAS DA INFORMACIÓN E A COMUNICACIÓN DA ÁREA SANITARIA DA CORUÑA E CEE

Primeira. Obxecto e funcións

A presente convocatoria ten por obxecto a provisión, polo procedemento de libre designación, dun posto de Xefe/a de Servizo de Infraestruturas de Tecnoloxías da Información e a Comunicación da Área Sanitaria da Coruña e Cee.

As características e funcións do posto convocado son as que se sinalan no Anexo II.

Segunda. Sistema de selección

A selección do/a aspirante ao posto convocado levarase a cabo, segundo o disposto no artigo 50 do Decreto 206/2005, do 22 de xullo, de provisión de prazas de persoal estatutario do Servizo Galego de Saúde, e artigo 20 da Orde do 24 de maio de 2006, pola que se establecen as bases do procedemento para a provisión dos postos de xefatura e coordinación das institucións sanitarias do Servizo Galego de Saúde, polo procedemento de libre designación.

Terceira. Requisitos dos/as aspirantes

Para seren admitidas no citado procedemento de provisión, as persoas aspirantes deberán reunir no día de finalización do prazo de presentación de solicitudes e manter ata o momento da toma de posesión o seguintes requisitos, en atención ás funcións a desenvolver, contidas no Anexo II:

- a) Ser persoal estatutario de xestión e servizos, con vínculo de fixeza e situación de servizo activo, nalgunha das categorías correspondentes aos grupos de clasificación A1 (Técnico/a Superior en Sistemas e Tecnoloxías da Información) ou A2 (Técnico/a de Xestión en Sistemas e Tecnoloxías da Información).



Cuarta. Solicitudes e documentación

As persoas interesadas en participar na convocatoria deberán presentar solicitude, segundo modelo de instancia que se xunta como Anexo III, que estará a súa disposición na Oficina do Espazo do profesional da Área Sanitaria da Coruña e Cee así como na páxina web do Servizo Galego de Saúde (www.sergas.es), debendo achegar ademais xunto coa solicitude:

- 1.- Documento de identificación: fotocopia do DNI, pasaporte ou documento que acredite a identidade, debidamente compulsados.
- 2.- Documentación acreditativa do cumprimento dos requisitos de admisibilidade establecidos na base terceira da Resolución da convocatoria. Esta acreditación deberá efectuarse mediante:
 - 2.1.- Certificación expedida polo Servizo Galego de Saúde de que ostenta a condición de persoal estatutario fixo, en situación de servizo activo, nalgunha das categorías dos grupos de clasificación A1 ou A2 de xestión e servizos enumeradas na Base Terceira.
- 3.- Méritos: xunto coa solicitude deberá aportarse a documentación compulsada acreditativa dos méritos alegados.

Os/As aspirantes deberán ter debidamente rexistrados os méritos alegados nos sistema informático Fides/expedient-e e acreditados documentalmente polos profesionais antes da finalización do prazo de presentación de solicitudes.

Os/As participantes non deberán presentar ningunha documentación acreditativa de méritos que xa consten validados na aplicación informática. Non obstante, a administración poderá requirir en calquera momento a achega de documentación complementaria demostrativa de calquera requisito ou mérito aínda que conste validado.

Valoraranse os méritos causados ata o día inmediatamente anterior ao da publicación do anuncio da convocatoria no DOG e que sexan acreditados dentro do prazo de presentación de instancias.



Quinta. Prazo e lugar de presentación de solicitudes

O prazo de presentación de solicitudes será dun mes, contado a partir do día seguinte ao da publicación do anuncio da presente convocatoria no Diario Oficial de Galicia.

As solicitudes presentaranse, xunto coa documentación a aportar sinalada na base cuarta, no Rexistro do Hospital Universitario A Coruña (edificio Hotel de Pacientes, As Xubias de Arriba, 84 – 15006 A Coruña), así como a través de calquera dos procedementos do artigo 16.4 da Lei 39/2015, do 1 de outubro, de procedemento administrativo común das administracións públicas.

Será causa de inadmisión no citado procedemento de provisión a presentación extemporánea da solicitude polo interesado.

As persoas aspirantes quedan vinculadas aos datos que fixesen constar na súa solicitude. O domicilio que figure na mesma considerárase como o único válido a efectos de notificacións, sendo responsabilidade exclusiva dos/as candidato/as tanto os erros na consignación do mesmo como a falla de comunicación de calquera cambio de domicilio.

Sexta.- Admisión de aspirantes.

Expirado o prazo de presentación de solicitudes, o órgano convocante ditará resolución, que se publicará na páxina web do Servizo Galego de Saúde e na páxina web do Espazo do Profesional, e na cal se declarará aprobada a lista provisoria de admitidos/as e excluídos/as, así como as causas da súa exclusión.

Os/As aspirantes excluídos/as disporán dun prazo de 5 días hábiles, contados a partir do seguinte ao da publicación da resolución, para poderen emendar, de ser o caso, o defecto ou defectos que motivasen a exclusión.

Para tal efecto, a estimación das ditas peticións de emenda entenderanse implícitas na resolución pola que se publique a listaxe definitiva de aspirantes admitidos/as e excluídos/as, contra a cal se poderá interpor recurso de alzada ante a Dirección Xeral de Recursos Humanos do Servizo Galego de Saúde, no prazo dun mes contado desde o día seguinte ao da publicación da listaxe definitiva.



Sétima. Resolución

A convocatoria, previos os informes que se consideren precisos, será resolta polo Xerente da Área Sanitaria da Coruña e Cee, ditando a tal efecto a Resolución correspondente, co nomeamento, de ser o caso, do/a aspirante seleccionado/a, ou ben coa declaración como deserta da convocatoria, se non concorresen aspirantes idóneos para o desempeño do posto convocado.

A Resolución da convocatoria será publicada no Diario Oficial de Galicia.

Oitava.-Toma de posesión.

O/A aspirante seleccionado/a deberá cesar na praza que desempeñe dentro dos tres días hábiles seguintes a aquel en que se publique a resolución no Diario Oficial de Galicia.

A toma de posesión do posto de traballo adxudicado deberá efectuarse dentro dos tres días hábiles seguintes ao do cesamento. Para estes efectos, entenderase por praza desempeñada a efectivamente ocupada, con independencia de que sexa en condición de destino definitivo, adscrición, destino provisional ou comisión de servizos.

Se así o permiten as necesidades do servizo, e por petición motivada do/a interesado/a, os prazos a que se refiren os parágrafos anteriores poderán ser prorrogados polo órgano convocante.

O prazo de toma de posesión e a súa prórroga terán a consideración de servizo activo, percibíndose os correspondentes haberes de conformidade co que estableza a orde sobre a confección de nóminas do persoal ao servizo da Administración autonómica.

Entenderase que solicita a excedencia voluntaria por interese particular, e será declarado/a nesa situación polo órgano competente, quen non se incorpore ao posto adxudicado no prazo establecido.

Novena.- Cesamento.

O/a profesional nomeado/a poderá se cesado/a pola Xerencia por causas sobrevidas, derivadas tanto dunha reordenación da estrutura xerárquica da Institución como da falta de capacidade para o desempeño do posto.

O cesamento virá precedido dun procedemento que garanta a audiencia ao interesado, sendo informados os representantes do persoal.

Décima.- Normas xerais.

A publicación dos actos e resolucións que se ditén na tramitación deste procedemento realizarase na páxina web do Espazo do profesional e na páxina web do Servizo Galego de Saúde (www.sergas.es)



ANEXO II

Denominación do posto	XEFE/A DE SERVIZO DE INFRAESTRUTURAS DE TECNOLOXÍAS DA INFORMACIÓN E A COMUNICACIÓN DA ÁREA SANITARIA DA CORUÑA E CEE
Características:	O posto convocado encádrase dentro da estrutura da Subdirección de Sistemas e Tecnoloxías da Información da Área Sanitaria da Coruña e Cee, baixo a dependencia do Subdirector.
Funcións do posto	<ul style="list-style-type: none">- Xestión da capacidade, deseño de crecemento, busca de novas solucións no mercado, análise da necesidade de parches e actualizacións en todo o referente a TIC. - Servizo responsable da planificación, instalación, xestión e explotación da plataforma tecnolóxica: Centro de procesos de datos, infraestrutura de servidores, software de base, sistemas de almacenamento e copia de seguridade, rede de voz IP e datos da área sanitaria. - Definición de políticas e maquetas de equipos cliente. - Servizo responsable do establecemento e cumprimento do establecido no referente ás arquitecturas tecnolóxicas da infraestrutura TIC e de toda a plataforma cliente, incluíndo equipos de terceiros conectados ás redes de comunicacións. - Velar por que todas as actuacións se leven a cabo tendo en consideración as directrices e instrucións establecidas pola Subdirección Xeral de Sistemas e Tecnoloxías da Información da Consellería de Sanidade. <p>Funcións configuradas por área de coñecemento:</p> <p><u>Área de Sistemas:</u></p> <ul style="list-style-type: none">- Xestión do hardware da plataforma de servidores, almacenamento e copia de seguridade. - Xestión e administración dos sistemas corporativos na plataforma de servidores (HPUX, WINTEL, Linux...) - Xestión e administración dos motores de bases de datos (Informix, SQL Server, Oracle...) - Administración do DA e Exchange. - Xestión e administración de Servizos de Infraestrutura (Sharepoint,



XenAPP, VMWare...)

- Xestión e administración do almacenamento consolidado, as copias de seguridade e os procedementos de réplica e continuidade.
- Manter a base de datos de coñecemento na parte que corresponde.

Área de Comunicacions:

- Xestión do hardware dos equipos de comunicacións e seguridade.
- Xestión de Rede de Voz IP e Datos.
- Xestión e administración da electrónica de comunicacións (routers, switchs, controladoras WIFI...)
- Xestión e administración dos equipos de seguridade (firewalls, concentradores VPN, IPS...)
- Xestión do CPD (cableado, requirimentos ambientais, control de acceso...)
- Xestión e administración da monitorización sobre toda a plataforma TIC.
- Xestión e administración da infraestrutura de videoconferencia.
- Manter a base de datos de coñecemento na parte que lle corresponde.

Área de Plataforma Cliente:

- Xestión do parque microinformático.
 - Normalización da configuración de equipos cliente e preparación de maquetas.
 - Xestión e administración de servizos de infraestrutura orientados a cliente (distribución de aplicacións, antivirus, actualizacións automáticas...)
 - Xestión dos equipos de terceiros conectados ás redes de comunicacións da área sanitaria.
 - Manter a base de datos de coñecemento na parte que lle corresponde.
-

ANEXO III

SOLICITUDE DE PARTICIPACIÓN PARA A PROVISIÓN DUN POSTO DE XEFE/A DE SERVIZO DE MANTEMENTO DA ÁREA SANITARIA DA CORUÑA E CEE

DATA DA CONVOCATORIA: 19/09/2023	DATA DOG: 27/09/2023	DOG N.º: 184
----------------------------------	----------------------	--------------

DATOS PERSOAIS:

APELIDOS E NOME:		NIF:	
DATA DE NACEMENTO:	DOMICILIO:		
LOCALIDADE:		PROVINCIA:	
TELÉFONO:	CORREO ELECTRÓNICO:		

DATOS PROFESIONAIS:

VÍNCULO XURÍDICO:	DATA NOMEAMENTO CON PRAZA EN PROPIEDAD:
CATEGORÍA:	SITUACIÓN ADMINISTRATIVA:
CENTRO DE DESTINO ACTUAL:	

SOLICITO: Ser admitido/a á convocatoria de Xefe/a de Servizo de Infraestruturas de Tecnoloxías da Información e a Comunicación da Área Sanitaria da Coruña e Cee, para o que se achega a seguinte documentación:

- Documento de identificación: fotocopia do DNI, pasaporte ou documento que acredite a identidade, debidamente compulsados
- Copia compulsada do seu nomeamento como persoal estatutario fixo ou certificación acreditativa de tal condición
- Certificación acreditativa, expedida polo servizo de saúde correspondente, de atoparse en situación de servizo activo con vínculo de fixeza, nalgunha das categorías dos grupos de clasificación A1 ou A2
- Currículo profesional

En _____ a _____ de _____ de 2023

Asinado